


週年價銀五員
每月價銀半員

西曆一千八百八十四年二月二號

香港目下貨價行情列

[illegible]

屈臣氏監製花餅發售



此餅揀選上品地道藥料製成色如雪白性味甜小兒最喜入口善除諸般疳積及五疳積聚脾胃虛弱積食生痰以致皮黃骨瘦腹現青筋時見肚痛蕪下白泡百病叢生醫家難治多有因此而誤弱者甚爲可惜如服此餅由積盡消且能補脾脾胃肌肉日長有奇功而無後患誠爲小兒去積之至寶靈藥也或有年稍長者亦有因虫積而無治法皆宜服食平人服之能防蠱患本藥局倡設於香港已四十年偏究中國水土配製此餅專有去積培元之功毫無寇伐耗削之患兼能調和臟腑開胃消食非同別家所售者比茲因此餅通行日久各省馳名其餅樣似花塔故俗常以花塔餅呼之且因近年消售甚多故特減價平賣以便取客易於運兌帶往各省俾能廣行濟世云爾本藥房稟准用龍麟伴塔爲記別人不得私用恐有假冒 諸尊賜顧細認招牌庶免有誤

每樽銀式毫五仙 本藥房在香港 粵城內外 上海 英京 福州 小呂宋 天津 漢口 京都 汕頭 廈門 澳門 佛山 三月廿四日

屈臣氏大藥房識



啟者本行之上好祖家坭不論何等工程均皆合
用水陸咸宜經有西人試驗過將此坭好處逐款
列明本行經已轉譯唐文矣如欲知其詳細者請
到本行一看便知此坭功力最大用此坭者較於
用次等平價之坭尚為便宜也此坭專由本行發
售常時均有新貨到本行亦因時價沽發耳本行
承沽此坭多年人人皆知為頂上好貨惟往日係
用黃紙招牌未有囍頭今仍用黃紙加雙馬頭囍
於招牌內加上款式以便稱呼 諸君光顧請認
明此囍為荷 香港味也洋行謹佈 丑二〇三

立 刻 止 痛

杏莊主人有外科藥水賣每樽銀二毫能治頑癬汗斑乳癰胎毒瘡癩魚口手軟脚軟皮膚癢鵝掌風骨節麻木無名腫毒之類凡人身上有痛者有癢者無論痛在何處俱可立刻取効

一在香港上環大馬路街市口應記錢櫃 一在樂欄街萬昌京菓店代賣

癸未年三月初十日 杏莊主人謹啟

贈送瘋癲解毒丸
茲本藥房宋光臣先生所製
癲瘋解毒丸紅雲血癰丸經
愈數人因將其丸贈送少盡
濟世之心如有初患此症者
請到面說病由見症送丸分
文不受每逢初二十六開贈
自九月刊告白之後有多人
到取亦皆奏效特此佈聞
癸未年十月 香港中
環杏榮春中外藥房啟

眞珠船出告

啟者前織墨齋在西法點石書局定印小題眞珠船一套內文一萬有奇其題之備文之精前已刊報原於五月告竣乃自本堂承受之後詳加較訂另添補名作精益求精故至今始竣然書成之日外埠承辦十去其七粵東僅餘數百套每套分釘十二卷該銀四兩六錢不折不扣斷不減價特此佈聞 一在十八甫經香閣 雙門底玉山樓 佛山北勝街天成葵扇店 香港循環日報 發售

羊城枕經堂謹識

啟香港橫濱廣萬泰及打狗
廣震瀾生意收庄經司事人
源蘭生清算各數將各股東
合同當衆盡行毀銷惟另存
源業亭在橫濱號內虧空銀
兩除收外仍欠銀八千餘員
他日如再收有多少仍歸各
股東均派此告 壬辰
白
光緒九年 結月 十四日
廣萬泰股東字啟

廣德堂蠟丸
蓋自神農嘗百草金櫃有良方藥丸一爭各家多有不同惟本堂製造之丸俱依秘傳良方不惜資本親自揀選上品正地道藥料精工監製得法修煉成丸屢經試驗其功甚捷故敢傳於世利物濟人爲念並非希圖射利實志在遠近傳揚本堂創自同治甲戌年四月開張已歷多年曾蒙士商遠傳中外馳名矣每月逢初二十六初九廿三日期例照原價十份減其四份實收回六成以充工費之需踰期仍照原價發售本堂之戒煙無憂丸烏鷄白鳳丸參茸衛生丸鹿茸寧神丸寧心補腎丸格外精微奧妙效若如神倘蒙諸尊賜顧請認香港南北行街口第壹間廣德堂養和軒招牌並分丸味庶不至魚目混珠則本堂幸甚矣
光緒癸未正月廿三 廣德堂謹啟

永怡興福祥堂告白

啟者省城福祥堂十一月初二日揭到香港永怡興洋銀一千五百兩訂十二月初二清還今因其揭單失去此銀俟到期日福祥堂如數兌交永怡興收妥立回收單存據此揭單如有別人拾得視為廢紙日後不得向福祥堂冒認討取此佈

光緒九年十一月二十七日

香港永怡興省城福祥堂全啟

功且夫字之爲用大矣哉而字之當敬惜也宜矣所以格字之會與文字之變設然知敬字在中國特未知惜字在異邦耳僕生不辰少年出外遍遊各埠見夫往來貨物無論簾裏箱裝既以西字麥爲憑何復以唐字再塗也而異邦人嗜慾不同性情各異即彼國字亦視諸糞土況中國之字乎職物登箱字盈盈而供其踐踏裏包草草字疊疊而置諸汚泥糞啗啗不乏招牌廁溺中恒多圖記甚至告恭借作拭糞之用目擊者能無傷心由此類推他邦之輕棄文字者諒如是矣然此皆中國人未熟思而自謀也配貨往外埠但照西字蠟頭縱貨有高下當以西字數目次第分之但仿麥頭差亂則以款式別之自無魚目之混即西人運載之船上下貨物均以西字爲憑終然無錯斯彼不以唐字而行安可區區而反自賤耶奉勸富商大賈各其勉旃無蹈輕蔑之愆則字字寶之如珠定獲千祥雲集字字愛之如玉自當百福駢臻僕也管窺用陳敬字之說聊補惜字之文樂善諸公慎勿以斯言爲河漢光緒九年七月廿四日弟陳愛仁拜言

新到上海各書
 現在本局
 到上海申報
 館各種新書
 無所不備如
 蒙賜顧者
 奉請早移玉
 趾
 癸未年
 七月十四日
 本局謹啟

分南道監察御史臣屠仁守疏 奏爲請申門禁以復舊章以防未然恭摺仰祈 聖鑒事伏觀近歲以來內城 正陽門 紫禁城 東華門子刻卽啟 乾清宮門丑正卽啟殿門直已僚及百執事無不奔走通夕者禮記曰朝辨色始入君日出而視之陳祥道謂辨色始入所以防微日出而視之所以優尊周禮司門掌授管鑰以啟閉國門閤人掌宮門之禁以時啟閉宮正掌五宮之戒令糾禁爲之版以待擊柝而此之辨內外而時禁幾其出入宋嘉祐時偶夜啟宮門王陶有議嚴固衛杜絕非常之奏司馬光有深慮安危防微杜漸之言而前明萬歷間視朝太早給事中王三餘疏請以日出爲準既得調養聖躬保和元氣且於門近朝儀俱爲便益此皆經史遺文聊可考見恭謹按 大清通禮載 御門聽政之禮部院寺奏事官暨侍班官春冬辰正初刻夏秋辰初二刻進至 後左門祇候 會典載凡城門朝啟以昧爽夕閉以日入如遇夜旣有旨啟門合符卽鑰次日奏 聞凡 禁門啟閉每夕司鑰長以次驗視局竊納鑰於篋詰朝各門校以次領鑰啟門如遇夜間有 旨啟門合符啟鑰次日奏聞 欽定 皇朝文獻通考載凡內外城門其非時啟閉者每月朝日於黎明啟正陽門遇 御門聽政日外城居住官員應早入者於曉鐘後啟正陽門遇 壇 廟祭祀日內外城郡祀官有應早入城者於五鼓後啟門其無兵部印文概不准啟如遇夜有奉 旨差遣及緊要軍務應卽時啟門者必合符啟鑰報知步軍統領於次日具 奏平時啟閉仍遵例行蓋定制之重慎如此恭讀康熙二十一年 聖祖仁皇帝 諭曰朕御朝太早各官趨赴朝會殊爲勞瘁自今以後朕每日御朝聽政春夏以辰初二刻秋冬以辰正初刻爲期啟奏各官從容入奏三十二年 諭自後年逾六旬以外大臣令其量力間二三日來啟奏於大學士等以隔三四日 御門一次爲請 聖祖復 諭曰朕聽政三十餘年已成常規不日日御門理事卽覺不安若隔二三日恐漸致倦怠不能始終如一矣此乾清門乃朕宮中亦有何勞但念年老大臣黎明從家中入奏甚爲勞苦故有此諭朕乃照常每日聽政聖德同大視臣工黎明奏事猶憫其勞而勤政之精心不遺寸晷要自並行不悖仁之至義之盡實永爲子孫萬世法者也今內外城門啟之之早在 朝廷深意固懷念荒陬子丑之交非爲本日之清晨乃是前日之夜半重閣洞達稽察防範誠恐難周卽如上年宮 竈銅鍊 寶匣迭被盜竊太監徐志詳等至於開燭館竊匪徒是宵小之所以生心瞽御之所以張胆未必不緣門之早闢得以恣其出入肆惡而藏奸由此以思可慮者大且圖事貴 朝氣味爽不顯實日新又新之機蓋志氣清明則義理昭

參神被搶 聞十六甫某任眷之婦於除夕之夜連漏三籌偕其婢女往第十甫大巷觀音廟參拜神祇將抵家門預着家人燃放爆竹以慶新年忽有一丐手持樹枝歌曲而前俟婦入門垂爆竹响聲搶其金鐲登即逸去婦欲大聲呼喊則爆聲蔽耳人不能聞且烟燄閉門無從辨別結呼荷荷而已聞該歲此夜曾經被搶今復蹈故轍得無賊匪久有所聞故得意不妨再到歟○賭徒滋事 聞有賭徒糾合廿黨類在新馬渡頭開設翻攤擲骰沫牌等項誘聚多人晝夜不輟且設有船艙停泊河旁以爲食宿之所每因爭錢銀以致互鬥街隣甚惡之移爲大憲查悉札飭西關汛驅逐查辦屢禁弗恒二十四日午候有兵勇等再到其船欲爲驅逐此輩以爲索規也勢甚洶湧將兵勇毆傷祇得首痛問警而稟營官隨即委有外委把總等弁督帶兵勇數十人至賭艇盤詰此輩知其來意早已逃避祇留一人守艇盤弁遷怒其人飽以老拳其吐血沫隨將艇內各物盡行昇去以便解案焉○歲暮命案 黎昭乃南邑捕役也因事革職遂在德興街口閒擺賭具去臘二十六日有與其索收陋規者不惟不與又從而追毆之其被毆之人原屬相識見其追毆太甚大聲喝止黎昭不知進退置之不理遂被洋鎗轟傷其咽喉當場斃命稟官相驗聞已在佛山緝獲兇手解案而黎昭白髮高堂紅顏少室因賭喪命殊可哀已

防邊贅言 粵東防務最爲吃緊經朝廷簡命彭大猷差前來協同督撫大憲悉心籌辦軍務俾海疆有磐石之安小醜無跳梁之患其措置之周壁畫之密固已無微不至矣邊防若此夫復奚言然而泰山不辭土壤所以成其高也河海不擇細流所以成其深也芻蕘之賤先民詢焉狂夫之言聖人擇焉則愚者千慮或有一得亦奚爲安於緘默哉粵東外濱洋海水道紛歧輪船往來久如駕輕就熟加以無業游民

門近報 澳門信息云昨有葡國郵船遞到郵筒稱葡廷因中法二國於東京之事必致決裂深恐釁既開禍將不測澳門在中國地面在在宜防士的芬尼亞兵艦偕崑沙及沙都炮船同時啟程來澳門防守焉○般島近聞 般島遞到古達信云現在柯非士山掘得一泉計深有五十西尺出之味甚清冽經用鐵管引至池中以便居民取矣此池可載水二千加倫儘足以敷需用也○船失慎 南洋信息云間有荷國金大輪船泊於刺巴處前艙猝爾失慎致兆焚如幸得各兵船人

役聞驚馳往撲救將火滅熄然自起火時言已歷數點鐘之久至貨物被燬及爲水漬者需不少云○南洋郵音 南洋遞到信息云慶龍地方有暹羅的保羅村昨遭失慎致成鉅災計燒去屋宇三百零六間火始滅熄蓋燎源之勢不可嚮邇雖有人力亦猝難施救也○古誼可風 金山遞到郵筒云是處有崔啟文周維松陳經元者本萍水之相逢遂岑岑之結契芝蘭之良利可斷金膠漆之投昵言割席相依以域助饒他山方將矢金石以永其貞指松筠以表其志無如易投者氣味也難得者年壽也去歲啟文烏倦思還馬上掛別言旋鄉里料理田園方期碧海重遊談心有日豈料黃壤遽掩埋骨堪悲者周陳二人接有噩耗痛悉啟文染病漸逝矣三人念平昔之交情悼故人之難見爰述梗概佈告知交以誌其哀思焉

法人調兵 法國巴黎士都城信息言法廷現又添遣軍兵前赴越南以期速戡東京之役經撥有兵六千三百名分作兩起越日啟程矣第一起則於西歷去臘二十五日由雲龍運軍船載運皆阿非利加洲亞路渣理亞兵也計一千零五十名其管帶官一爲美律一爲德理士利一爲尼忌理亞各備良馬一匹俾便於從事疆場又有奧立湯運軍船載兵六百零二名馬二匹而蘇龍輪船則載兵九百一十五名馬六匹金麼連輪船則載兵八百一十七名馬八匹陸續向越南進發其第二起則於西歷本年正月十日由晏南篋運軍船載有步兵及炮兵司理機器兵共三千二百一十九名馬五十二匹從法國啟程所有軍糧器械已於西歷去臘用威利地篋十輪船先載往東京俾資需用矣法人之調兵如此其衆且急豈非欲用全力以與中國抗衡哉中朝於此宜早定守禦之策矣○法增兵船 法國巴黎士都城新報謂法廷現復趕緊增添兵艦馳赴越南以備守戰聞水師大臣現在租倫卑選有兵船六艘着速備行裝越期過征焉○法船彙述 西字報云法國現因東京之役未戢厥功紛紛調遣兵船來壯聲勢初三日有兵船一艘到港據傳日間尙有一艘到新嘉坡以便取道馳赴東京現計法國船艦之在中國海面及越南者已有四十艘矣雖其中多是小炮船祇可在內河戰爭然有鐵甲戰船四艘一爲域多理士一爲巴溢一爲押蘭地一爲地禮暗芬此四船所載大炮頗足制勝若一旦與中國開釁則濱海之地彼將肆其狼奔豕突中國宜早爲佈置務極週密以重海防彼法人庶不得遽逞其志也

欽使會議 輝嘉羅西字報云中朝欽使曾侯昨與法國外務大臣花理會議東京之事欽使言貴國果欲息爭須以新紅河爲界其附近宜泰等處則歸法國管轄附近北寧諸處則聽中國守護至於東京西北諸省無妨兩屬俾利益均沾惟越南本中國藩服固不能有所更易也花

理由因言俟陳請法廷然後覆答云○戰艦竣工西歷去臘二十一日倫敦報謂中
 朝在德國基路埠定造之鐵甲戰艦經於十二日竣工此船全身用鋼鐵裝成異常
 堅固中分七艙並不通連共長二百七十七西尺廣三十八尺深二十三尺有半重
 可載二千二百噸機氣可抵馬力二千四百匹每點鐘可行十四個半諾士聞尚有
 一艘約於西歷二月亦可竣工二船均與德國之馬刺及蘇蜚鐵艦同式樣無或
 少異焉○暉春近報日本報謂昨接到暉春信息據俄官現欲與朝鮮擬立通
 商和約俾得互相貿易同沾利益焉○擬造戰船日本官報云現橫濱傳說日本
 朝廷擬在英國定造戰船兩艘以資水師之用是報又謂二十四日日本遣有兵船
 前赴中國巡歷海道也○擬購船廠日本報云日本水師局現欲與西人嘉卑購
 買其船廠俾便於製造船艘經神戶鐵廠辦事人前赴船廠察閱以便議價交易矣
 法人大言法國科萊士新報謂軍之在越南者若能還
 志於宣泰及北寧則法廷將備文書照會中朝議立和約俾
 越南利權永歸法廷掌握若中朝仍固執成見不肯降心相
 從法國將移兵進攻中國五大口岸以便多索賠償此乃事
 勢不得不然蓋必如是始可收拾全局也又謂法國大臣花
 理已有成竹在胸將命科璧元戎盡奪東京諸據據為己有
 然後按兵不舉以待中朝知大局不能挽回低首下心求法
 廷與之講和焉是報又言此兩策皆出花理大臣所壁畫曾
 昌言於眾謂事在必行矣嗚呼此言若確則法人之輕藐中
 國不已至極歟中國家衮諸公將何以憂社稷而答昇平也
 往汕頭厦門福州
 啟者本行有火船
 壹隻名南澳准期
 於本月初七日早
 開行謹往汕頭厦
 門及福州等
 貴客欲搭船附貨
 者請至本行面議
 光緒九年 正月 初四日
 德忌厘士行啟
 往厦門淡水臺灣
 啟者本行有火船
 一隻名海龍準期
 於本月初八日下午四
 點開行前往厦門
 淡水臺灣府 貴
 客欲附貨搭船者
 請至本行面議
 光緒十年 正月 初五日
 德忌厘士行謹啟
 火船前汕頭
 啟者本行有火船
 一隻名多厘士準
 期於本月初九日
 早開行前往汕頭
 準如 貴客欲搭
 船附貨者請至本
 行面議 光緒十年 正月 初五日
 德忌厘士行啟
 火船往新金山等
 啟者本行有火船
 壹隻名吳淞準期
 明年正月十八日
 開行前往新金山
 等處 貴客欲搭
 船附貨者請至本
 行面議 光緒九年 十二月 十八日
 太古洋行啟

房藥大氏臣

甲申年月份牌
發售
已排印成甲
申年華英字
月份牌發售
價銀相宜諸
君如欲採買
祈早光顧
是荷
八月初七日
本局謹啟

房藥大氏臣

甲申年月份牌
發售
已排印成甲
申年華英字
月份牌發售
價銀相宜諸
君如欲採買
祈早光顧
是荷
八月初七日
本局謹啟